



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ant. Augustini Archiep. Tarracon. De Emendatione Gratiani Libri Duo

Agustín, Antonio

Dvisbvirgi ad Rhenvm ; Arnhemii, 1676

VII. De eadem synodo octava Hadriani.

urn:nbn:de:hbz:466:1-10603

recte habet. In libro Cæsaraug. hæc verba desiderantur. Illud Gratiani est : *Hoc ad penitentiam &c.* quæ Ivo non habet. Apud Græcos alia quoque sunt, ex quibus videtur hoc idem confirmari. Tertio can. anathema dicitur laico verberanti, aut capienti ex quacunque causa Episcop. De capitibus octavæ synodi sub Hadriano cras agemus; quamvis ordine perturbato.

De eadem Synodo Octava Hadriani.

DIALOGUS SEPTIMUS.

B. Noluī te heri interpellare, sed hodie peto abs te, cur putes *Petrum presbyterum* ante duos Episcopos legatos Joannis nominari; quorum alter Ostiensis est, cui datum est, ut pallio utatur, cum Pontificem Maximum consecrat. Nunc eum Decanum Cardinalium appellant, & princeps totius ordinis est. **A.** Quærendum etiam erit, cur postremus Ostiensis appelletur. Fortasse tunc Episcopi non dicebantur Cardinales, sed soli presbyteri & diaconi. Et si quis eorum Episcopus eligeretur, non amplius ex collegio Cardinalium erat, sed Episcopus Antenitanus puta, vel Bononiensis, vel alterius civitatis dicebatur. Et inter Episcopos ordo
tempo-

temporis servabatur. Quod dixi de Cardinalibus Episcopis electis, Innocentii tertii exemplo comprobatur, qui noluit Ravennatem Archiepiscopum fieri eum, qui tituli^a S. Praxedis presbyter Cardinalis erat, ne ab ecclesia Romana discederet. Sed videamus, quid in Græca synodo sit. In ea enim & Joannis litteræ sunt, & sæpius nomina horum legator. C. De numero quoque Episcoporum velim scire, an Græca cum Latinis conveniant. B. In prima actione ante adventum Legatorum erant cum Photio & legato Hierosolymorum Patriarchæ CCCLXXVI. Episcopi, nisi à me erratum est. Possumus igitur fidem adhibere Latinis Ivoni & Gratiano, qui omnes CCCLXXXIII. numerant. In eadem actione Petrus presbyter Cardinalis prius, quam Paulus, & Eugenius nominatur. Is quoque prius ad Photium alloquitur nomine Joannis Pontificis. A. Heri dicebamus, hunc missum fuisse à Joanne ad Photium, illos duos ad Ignatium. Idem ostendunt Joannis litteræ, in quibus Eugenius ante Paulum nominatur. Sed in commonitorio dicitur. *Commonitorium fratribus Paulo, & Eugenio Episcopis, & Petro presbytero Cardinali missis CP.* Ita autem

Cc 4 cetera

^a cap. 3. de postul. pralat. in 3. collect. & apud Gregor. IX. incip. bona mem.

cetera scripta sunt, ut videantur omnes simul mitti. In actione quoque quinta Paulus, & Eugenius Episcopi ante Petrum presbyterum appellantur. Et in subscriptione concilii primus Paulus Episcopus Anconitanus, postea Eugenius Episcopus Ostiensis, postremus Petrus presbyter Cardinalis subscripserunt. omnes ut Legati, sed non ut Cardinales. B. Quando hæc duo conveniunt, commonitorium Joannis, & subscriptio: malo his credere, quam Ivoni & Gratiano. A. *Canones octavae synodi* sub Hadriano videamus. Et omissis aliis, de his, quæ apud Gratianum sunt, dicamus. *Caput xv.* quod in Græco libro desideratur, & à Gratiano ^a *sexta synodi universalis* esse dicitur, in libro CæsarAugustan. ^b *septimæ synodi* CCXL. Patrum *actione x.* apud Anselmum ^c recte *octavae synodo universalis* adscribitur. C. De numero actionis, & Patrum convenit ne cum Græcis? A. In actione convenit. sed Stylianus, de quo heri diximus, centum & duos Patres fuisse scribit. Nos de varietate verborum videamus. Mendose est apud Gratianum venerabilis synodus, pro *universalis synodus*, quod alii habent. Pro *cimilia, & vas sacrata*; quod etiam Anselmus habet; *cimilia*, id est,

^a 12. q. 2. cap. 13. *Apostolicos.* ^b *Cæs. lib. 7. cap. 74.* ^c *Ansel. lib. 6. cap. 169.*

id est, vasa sacrata, Cæsaraug. civilia pro cimilia est in quodam Anastasii libro non recte. Ego nihil muto, sed Græcis litteris scribo κειμήλια, aut Latinis, cimelia, unde cimeliarchus est, ut Demochares notat, qui cimeliis, vel thesauro ecclesiæ, aut Principis præest. Quod Gratianus ait, pro redemptione captivorum alii habent plenius, quæ accipiuntur in redemptionem captivorum. Quod dicitur, sed non tradere salaria ecclesiarum in emphiteotica pacta, non facile intelligitur. nec pro non habent alii, pauca pro pacta, Cæsaraugust. ^a mendose. neophita ubi compacta, Anastasii mendosus liber. emphyteotica pacta, Anselmus aptius. Solaria pro salaria scribendum puto. Sic enim scio appellari à Jurisconsultis, ^b quæ pro solo penduntur. Simile erratum esse quidam putant cap. VII. de usufructu, sed id incertius. B Mihi vox solaria magis placeat. sed postea eadem vox salaria bis est. A. Eadem ratione mutari poterit. Pro illis verbis, & post pauca, quæ habent etiam Anselmus, & Cæsaraugust. sunt alia in Anastasii libro non inutilia. Omnem vero ecclesiasticarum rerum potestatem habentem, & has meliorare, ac dilatare, prout oportuerit, ecclesiastica loca (quæ per † reddi-

C c 5 tus

^a Vide lib. I. dial. 9. ad 8. ^b cap. 2. p. si quis nemine. D. ne quid in loco. & cap. 15. D. qui potior. † per que f.

tus fiant, & insuper propriarum rerum dispositio-
nem distribuere ac committere, seu conferre qui-
buscumque voluerit & iudicaverit, juxta propriam
potestatem, ac dominatum. Quisquis autem appa-
rnerit post hanc &c. Vox apparuerit à Gratiano
est omissa, habent alii. Illud quoque ineptum
est, huic sanctæ sedi, tollenda est vox sedi, quam
solus Gratianus habet; item vox tentaverit, quæ
irrepsit pro illa apparuerit, de qua diximus. Pro
divinarum rerum, scribi debet divinarum legum,
ut omnes habent præter Gratian. Pro cimilio-
rum, & salariorum locorum, est apud Anselm.
cimiliorum scilicet, & salariorum locorum: sala-
rium pro salariorum habet liber Cæsaraugustan.
cetera ut Anselmus. sed pro scilicet liber Anasta-
fii. Ego malo, cimeliorum, & solariorum, & lo-
corum. De omnibus enim supra dictum fuerat.
B. Idem fiet, si scripseris, cimeliorum scilicet,
solariorum, & locorum. C. Vox locorum postea
omissa est, ex quo fit, ut hic significare possit
solaria locorum. A. Non magnopere repugno.
Pro illis, Qui vero ceperit, aut emerit; alii ha-
bent, Qui vero emerit, aut perceperit; non ma-
le. Pro cimiliis vel salariis, scribo, cimeliis vel
solaris. &, pro vel, est in Cæsaraug. In extre-
mo capite desiderantur hæc verba ab Anselmo
etiam, & Cæsaraug. omissa. Si vero de propriis
rebus aut de aliis quibusdam conventionibus; ha-
beat

beat id secundum propriam potestatem & voluntatem, omni vita sua, & post finem vite sue dimittat, & conferat hoc quibuscumque voluerit, non tamen seculare diversorium fiat. ¹ Nunc de capite XIX. videamus, quod etiam Græco libro desideratur. Id Ivo, ^a & Gratianus ^b Gelasio Papæ adscri-

^a Ivo in epist. 71. vel 30. ad Decan. Belvacen.

^b 16. q. 3. c. 9. placuit.

I Caput 13. Apostolicos. 12. q. 2. in eodem libro ita inscribitur. Item ex octava synodo universalis. c. 15. In marg. est. Ansel. l. 6. c. 171. Et in notis. Octava) Sic est emendatum ex Anselmo, cum antea legeretur sexta. Est autem canon decimus quintus synodi octavæ habitæ tempore Hadriani Papæ secundi contra Photium ex versione Anastasii bibliothecarii. Videlicet pro redemptione) In concilio ipso, & apud Anselmum legitur, quæ accipiuntur in redemptionem captivorum. Decernimus) In ipso canone sequuntur hæc. Omnem vero &c. ut in dialogo, præter voces, propriarum rerum, pro quibus sunt, propriam rerum. Ad illa, cimelia, & vasa sacrata, est in marg. κειμήλια Græce thesauri dicuntur, ope, specuniæ repositæ (scribe, opes, pecuniæ repositæ) instrumenta pretiosa, aurea vasa, clinodia: inde cimeliarchus C. de agri. & censu. l. lit. II. Vox salaria retinetur sine ulla varietate.

adscribunt, Anselmus^a recte *synodo octava uni-
versali*. In verbis non magna varietas est. Pro
etiam sive à diva, & sive à pæ, habet Anselmus:
& sive à diva, Anastasius, & Ivo. Pro *presulum
eorum*, ceteri habent, *presulum earum*. Pro *ac
jussu presulis*, quod habent Ivo, & Gratianus:
ac usq; presulis, Anastasius, & Anselmus. Quod
Gratianus solus scribit, *Quisquis ergo clericorum
vel secularium*: in aliis libris est, *Quisquis ergo
secularium*. Post verbum *restituerit*, est in solo
concilio Anastasio interprete, *& reservaverit*.²

Caput

^a *Anselm. lib. 4. cap. 30.*

² *Ante caput octavum Placuit huic. 16. q. 3. in
eodem libro ita scriptum est. Unde Gelasius Papa
ait. In margine hec sunt. In synodo octava sub
Hadriano secundo capite decimo octavo. Et Poly-
cyp, lib. 3. tit. 12. Anselm. lib. 4. cap. 20. Ad
illa, & presulum eorum, abest ab orig. additur in
margin. (vox eorum, ut puto.) In notis additur.
Quod hic tribuitur Gelasio, habetur in synodo
octava habita ab Hadriano II. cap. 18. & ex ea
citatur apud Anselm. & Polycarp. Sed manu-
scripti codices Gratiani concordant cum vulga-
tis. Sæcularium) In vulgatis legebatur; *Quis-
quis ergo clericorum, vel sæcularium*. Sed ab-
sunt illæ duæ voces, clericorum, vel, ab aliquot
vetustis, & ab ipso concilio manuscripto. In
concilio*

Caput XXI. quod Græcis est XIII. non recte, Gratianus^a post Anselmum,^b & Deusdedit^c octava synodo adscribunt. sed Anselmus omnia verba refert, Gratianus aliquot verba sumpta ex priore parte hujus capituli. Deusdedit alia quædam ex posteriore cum hac inscriptione. *In synodo universalis CCXL. patrum habita pro Ignatio Patriarcha, quæ quibusdam octava dicitur. C.* Convenit in numero patrum cum Cæsaraugustano.^d A. Certiora poteris ex ipsa synodo cognoscere.³ Mihi enim canere receptui necesse est propter quasdam occupationes.

De

^a Dist. 22 c. ult. ^b Ansel. lib. 2. c. 72. ^c Deusdedit. c. 3. divisione 4. ^d Cæs. lib. 7. c. 74.

concilio impresso legitur. Qui contra fecerit, ut sacrilegus judicetur, & donec talia privilegia &c.

³ *Distinct. 22. capituli ult. inscriptio est in eodem libro. Unde in VIII. synodo habita sub Hadriano Papa II. can. 21. Diffinimus neminem &c. In marg. est. Deusdedit p. 3. Ansel. l. 2. c. 72. (Dictum est lib. 1. dial. 9. addit. 6.)*